

الوسواس

خائف من كل شئ وبخاف من أي شئ
وصوت جوايا عالي ارجع مش ده الطريق
وبسمع نفس الصوت بيكسر صمت السكوت
إن نمت راح تموت والموت مالوش صديق
خائف من كل شئ

بشاك كثير في نفسي وبقول لروحي إنسي
كفايه يادنيا تنسي دا حلمي مات غريق
وبشاك ف كل الناس وعندى ميت إحساس
إن الظلم بيتناس بدموع انسان برئ
خائف من كل شئ

أحزاني ضاقت بي ومافيش مخلوق حاليًا
فكّر ياخذ بإيديا ويدلّني عالطريق
عايش في سجن الماضي اللي أصبح شئ عادي
وعشان أنا مش راضي خلّقي عمّال بيضيق
خائف من كل شئ

حاسس إن ويّايا جن وعایش جوايا
بيقوللي تعالي معايا متخافش من الحريق
قويني يارب الناس نجّيني من الوسواس
خلّيني أشرب من كاس يقويني يخلّيني جرئ
خائف من كل شئ